

१७. पटिपदावग्गो

१. सङ्ख्यात्तसुत्तं : १. “चतस्सो इमा, भिक्खवे, पटिपदा। कतमा [B.467] चतस्सो? दुक्खा पटिपदा दन्धाभिज्ञा, दुक्खा पटिपदा खिप्पाभिज्ञा, सुखा पटिपदा दन्धाभिज्ञा, सुखा पटिपदा खिप्पाभिज्ञा—इमा खो, भिक्खवे, चतस्सो पटिपदा” ति ॥
२. वित्थारसुत्तं : १. “चतस्सो इमा, भिक्खवे, पटिपदा। कतमा [N.158]

चतस्रो ? दुक्खा पटिपदा दन्धाभिज्ञा, दुक्खा पटिपदा खिष्पाभिज्ञा, सुखा पटिपदा दन्धाभिज्ञा, सुखा पटिपदा खिष्पाभिज्ञा ।

२. “कतमा च, भिक्खवे, दुक्खा पटिपदा दन्धाभिज्ञा ? इध, भिक्खवे, एकच्चो पक्तिया पि तिब्बरागजातिको होति, अभिक्खणं रागजं दुक्खं दोमनस्सं पटिसंवेदेति । पक्तिया पि तिब्बदोसजातिको होति, अभिक्खणं दोसजं दुक्खं दोमनस्सं पटिसंवेदेति । पक्तिया पि तिब्बमोहजातिको होति, अभिक्खणं मोहजं दुक्खं दोमनस्सं पटिसंवेदेति । तस्समानि पञ्चन्द्रियानि मुदूनि पातुभवन्ति—सद्विन्द्रियं, विरियन्द्रियं, सतिन्द्रियं, समाधिन्द्रियं, पञ्जन्द्रियं । सो इमेसं पञ्चनं इन्द्रियानं मुदुत्ता दन्धं आनन्तरियं पापुणाति आसवानं खयाय । अयं कुच्छति, भिक्खवे, दुक्खा पटिपदा दन्धाभिज्ञा ।

३. “कतमा च, भिक्खवे, दुक्खा पटिपदा खिष्पाभिज्ञा ? इध, भिक्खवे, एकच्चो पक्तिया पि तिब्बरागजातिको होति, अभिक्खणं रागजं दुक्खं दोमनस्सं पटिसंवेदेति । पक्तिया पि तिब्बदोसजातिको होति, अभिक्खणं दोसजं दुक्खं दोमनस्सं पटिसंवेदेति । पक्तिया पि तिब्बमोहजातिको होति, अभिक्खणं मोहजं दुक्खं दोमनस्सं पटिसंवेदेति । [R.150] तस्समानि पञ्चन्द्रियानि अधिमत्तानि पातुभवन्ति—सद्विन्द्रियं, विरियन्द्रियं, सतिन्द्रियं, समाधिन्द्रियं, पञ्जन्द्रियं । सो इमेसं पञ्चनं इन्द्रियानं अधिमत्ता खिष्पं

खिप्पाभिज्ञा ।

४. "कतमा च, भिक्खवे, सुखा पटिपदा दन्धाभिज्ञा ? इध, भिक्खवे, एकच्चो पक्तिया पि न तिब्बरागजातिको होति, नाभिक्खणं रागजं दुक्खं दोमनस्सं [B.468] पटिसंवेदेति । पक्तिया पि न तिब्बदोसजातिको होति, नाभिक्खणं दोसजं दुक्खं दोमनस्सं पटिसंवेदेति । पक्तिया पि न तिब्बमोहजातिको होति, नाभिक्खणं मोहजं दुक्खं दोमनस्सं पटिसंवेदेति । तस्समानि पञ्चन्द्रियानि मुदूनि पातुभवन्ति—सद्ध्रिन्द्रियं ...पे०... पञ्चन्द्रियं । सो इमेसं पञ्चन्नं इन्द्रियानं मुदुत्ता दन्धं आनन्तरियं पापुणाति आसवानं खयाय । अयं वुच्चति, भिक्खवे, सुखा पटिपदा दन्धाभिज्ञा ।

५. "कतमा च, भिक्खवे, सुखा पटिपदा खिप्पाभिज्ञा ? इध, भिक्खवे, [N.159] एकच्चो पक्तिया पि न तिब्बरागजातिको होति, नाभिक्खणं रागजं दुक्खं दोमनस्सं पटिसंवेदेति । पक्तिया पि न तिब्बदोसजातिको होति, नाभिक्खणं दोसजं दुक्खं दोमनस्सं पटिसंवेदेति । पक्तिया पि न तिब्बमोहजातिको होति, नाभिक्खणं मोहजं दुक्खं दोमनस्सं पटिसंवेदेति । तस्समानि पञ्चन्द्रियानि अधिमत्तानि पातुभवन्ति—सद्ध्रिन्द्रियं, विरियन्द्रियं, सतिन्द्रियं समाधिन्द्रियं, पञ्चन्द्रियं । सो इमेसं पञ्चन्नं इन्द्रियानं अधिमत्ता खिप्पं आनन्तरियं पापुणाति आसवानं खयाय । अयं वुच्चति, भिक्खवे, सुखा पटिपदा खिप्पाभिज्ञा । इमा खो, भिक्खवे, चतस्सो पटिपदा" ति ॥